

四庫禁燬書叢刊編纂委員會

北京出版社

四庫禁燬書叢刊

史部第一七冊目次

廣皇輿考二十卷

〔明〕張天復撰 張元忭增補
明末刻本

..... 一

海防纂要十三卷圖一卷

〔明〕王在晉撰
明萬曆四十一年自刻本

..... 四四五

廣皇輿考二十卷

〔明〕張天復撰 張元忬增補

明末刻本

北京師範大學圖書館藏

皇輿考序

聖代肇運全撫輿圖一統之盛

光軼前古載諸通志者章章備

矣若夫辨形勢以明地險陳憂

患以達民艱審經畫以悉時宜

時則若有俟焉蓋道有升降政

有損益經世者慎圖之也我

皇上許謨係大駿業中興創紹

之隆適光

二祖頃年輔臣文襄桂公輿地

圖志宮諭念菴羅公廣輿圖及

司馬許公九邊論於是三者獨

詳詞約而事該憂深而思遠今

日脩和阜成衍泰居豐之道間

亦采行之矣復甞備員職方遐

覽區域竊謂全志之後當附諸

公之帙乃表經世謀猷輒唯

制書不當綴裂也因取閩本志

畧稍加詳定首引杜氏古九州

之文然後次序郡國圖志叅據

皇朝志

三
李朝志

前說各冠篇端而以邊夷終焉

夫志畧雖簡亦足見區域之大

都而諸家之著述又能明

國體總世務而時張理之則夫

治平脩攘之謀固瞭然於諸掌

矣輯成因僭名之曰皇輿考間

質同志或曰當付之剞劂備通

方之士攬而采之

皇朝志

四

賜進士第亞中大夫甘肅行太

僕寺卿前湖廣提學副使江西

叅政山陰張天復撰

訂廣皇輿考凡例

皇輿攷者攷

本朝之輿地也編之自 家太僕

始而廣之則 家宮諭手澤存焉

粵攷周禮職方氏辨司疆域而漢

凡例

一

一

郡國計書先上太史令故談遷得

世守之我 太僕嘗官職方而

宮諭寔太史也其編之廣之者舉

職也不肖霖之訂之刻之也何居

抑弓有箕冶有裘語習也亦唯是

父祖之故聞習焉爾茲攷一刻於

楚再刻於燕今規而小之倣爲袖

珍昔竟陵王孫嘗於扇上圖山水

咫尺之內便覺萬里爲遙茲刻也

楮不盈寸可舒卷袖中而星紀之

凡例

一

二

躔度山河之時流疆野之更沿邊

隘之阨控與夫英人傑士之所產

名賢墨客之所游幽探古勝細徵

土毛以至侏儻雕辯之邦重譯而

獻琛者罔不星而羅之斯亦居然

萬里哉挾斯冊也則志士焉以思
騷人焉以咏幽人焉以臥游也夫
然竟陵矜慎不傳自娛而已今顧
訂以刻者則所志爲箕與裘者也
因敘所以刻之意而挈凡例如左

凡例

三

一原本成於嘉靖間此後更置
不一皆未及詳如貴州宣慰司
之刱建貴陽府直隸隆慶州之
改名延慶州近日播司設立郡
邑分隸川貴貴之貴陽新加軍

民諸如此類不可悉數茲訂正
之

一原本郡邑並載古名而世代莫
辨近雲間刻本考據頗詳似當
採錄並訂正之

凡例

二

四

一原本山川古蹟載其大都攬者
有遺思焉今叅之方輿勝覽廣
輿記及名山勝水紀采其幽奇
者並訂正之

一原本人物止據一統志其他所

畧今旁摭列省郡乘采其核而
尤著者並訂正之

一原本人物間及 我朝不無掛
漏似當闕之姑待异日凡間及
者並訂正之

凡例

五

一原本字畫間多錯謬今以校讎
之役分責諸曾而不肖霖弟懋
寔專董之互相證攷舊有訛者
並訂正之

一郡邑名相同者多頗亂觀聽今

悉查對而設六類以別之附於
古九州之後首備攬放

一世本刻有路程然類多賈客私
紀殊少次第攬者病焉今悉采
諸刻證之人口先以四方人部

凡例

五

道里爲經次以四方自通道里
爲緯展卷瞭然斯亦行役者之
司南矣詩遣使臣而歌皇華蓋
憫其勞哉述皇華考附于後凡
二卷

萬曆辛丑中秋日不肖孫汝霖謹
識于瀟江署中

九例

六

七

皇輿有攷坊刻不啻充棟然或挾
之未詳次之無紀于以覽山河而
分疆野無當焉是編實先太僕
先文恭相繼攷訂而成識者珍之
伯兄令清江曾刺之瀟江署中予
來重新之所稱箕裘之感依然在
簡編矣

天啓丙寅元宵日汝懋謹識

廣皇輿考總目錄

卷之一日集 序 凡例 一統圖

古九州 同名考 附分道考

卷之二月集 北直圖 北直隸考

卷之三光集 南直圖 南直隸考

卷之四天集 浙江圖 浙江考

總目錄

卷之五德集 江西圖 江西考

卷之六山集 湖廣圖 湖廣考

卷之七河集 福建圖 福建考

卷之八壯集 廣東圖 廣東考

卷之九帝集 廣西圖 廣西考

卷之十居集 山東圖 山東考

卷之十一大集 山西圖 山西考

卷之十二平集 河南圖 河南考

卷之十三無集 陝西圖 陝西考

卷之十四以集 四川圖 四川考

卷之十五報集 雲南圖 雲南考

卷之十六願集 貴州圖 貴州考

總目錄

卷之十七上集 九邊圖 九邊考

卷之十八萬集 四夷圖 四夷考

卷之十九年集 皇華考上

卷之二十書集 皇華考下

總目錄終



廣皇輿考卷之一

明 山陰張天復編

男元忭廣

孫汝霖汝懋訂

古九州

冀州

古九州

卷之一

一

禹貢曰冀州既載壺口雷首至于太岳既修
太原至于岳陽太原霍山覃懷底績至于衡
漳厥土惟白壤恒衛既從大陸既作島夷皮
服夾右碣石入于河舜以冀州南北濶大分
衛水爲并州燕以北爲幽州並置牧周禮職
方曰河內曰冀州山曰霍數曰楊紆川曰漳

浸曰汾潞其利松柏人五男三女畜宜牛羊
穀宜黍稷東北曰幽州其山曰鑿無閭數曰
獫狁川曰河涉浸曰菑時其利魚鹽人一男
三女畜宜四擾穀宜三種正北曰并州山曰
恒山數曰昭餘祁川曰庫池漚夷浸曰洺易
其利布帛人一男三女畜宜五擾穀宜五種
古九州 卷之一 二

風俗

冀州堯都所在疆域尤廣山東之人性緩尚
儒仗氣任俠而鄴郡高齊國都浮巧成俗山
西土瘠其人勤儉而河東魏晉以降文學盛

興閭井之間習於成法并州近狄俗尚武藝
左右山河古稱重鎮寄任之者必文武兼資
焉

揚州

禹貢曰淮海惟揚州彭蠡既豬陽鳥攸居三
江既入震澤底定條陽既敷草木喬嶽土
音九州卷之一

塗泥島夷卉服洽于江海達于淮泗舜置十
二牧揚其一也周禮職方曰東南曰揚州其
山曰會稽數曰具區川曰三江浸曰五湖其
利金錫符箭民二男五畜宜鳥獸穀宜稻
揚州以爲江南之氣躁厥性輕揚亦曰州
界多水水波揚也

風俗

揚州人性輕揚而尚鬼好祀每王綱解紐宇
內分崩江淮濱海地非形勢得之與失未必
輕重故不暇先爭然長淮大江皆可拒守閩
越遐阻僻在一隅憑山負海難以德撫永嘉
之後帝室東遷衣冠避難多所萃止藝文儒
術斯之爲盛今雖閭閻賤品處力役之際吟
詠不輟蓋因顏謝徐庾之風扇焉

兖州

禹貢曰濟河惟兖州九河既道雷夏既澤灘
沮會同厥土黑墳其草繇其木條浮于濟漂
達于河浮于汶達于濟舜置十二牧兖其一

也周禮職方曰河東曰兗州其山曰岱數曰大野川曰河沛浸曰盧灘其利蒲魚人二男三女畜宜六擾穀宜四種蓋以兗水爲名又兗之爲言端也信也

風俗

兗州舊疆界于河濟地非險固風雜數國秦

古九州

卷之一

五

漢以降政里混同人情朴厚俗有儒學及西晉之末爲戰爭之地三百年間傷夷益甚自宇內平一又如近古之風焉

青州

禹貢曰海岱惟青州嵎夷既畧濰淄其道厥土白墳海濱廣斥萊夷作牧舜分青州爲營

州皆置牧周以徐州合青州其土益大周禮職方曰正東曰青州其山曰沂數曰孟豬川曰淮泗浸曰沂沐其利蒲魚人二男二女畜宜雞狗穀宜稻麥蓋以土居少陽其色爲青故曰青州

風俗

古九州

卷之一

六

青州古齊號稱強國憑負山海擅利鹽鐵太公用之而富人管仲資之而興霸人情變詐好行機術豈因輕重而爲弊乎固知導人之方先務推以誠信逮于漢氏封立近戚武王臨極儒雅盛興晉惠之後淪沒僭偽慕容建國二代而亡今古風俗頗革亦有文學自國

初立都督府命親王鎮之後漢氏之制信可取也

徐州

禹貢曰海岱及淮惟徐州淮沂其乂蒙羽其藝厥土赤埴草木漸苞羽畎夏狄嶧陽孤桐浮于淮泗達于河亦舜十二牧之一周併徐古九州卷之一七

州屬青州今分入兗州之域蓋取舒緩之義或云因徐丘以爲名

風俗

徐方鄒魯舊國漢興猶有儒風自五湖亂華天下分裂分居二境尤被傷殘彭城要害藩捍南國必爭之地常置重兵數百年中無復

講誦況今去聖久遠人情遷蕩大抵徐兗其俗畧同

豫州

禹貢曰荊河惟豫州伊洛瀍澗既入于河滎波既豬導潁澤被孟諸厥土惟壤下土墳壚浮于洛河爲十二牧之一周禮職方河南古九州卷之一八

曰荊河州其山曰華卽華藪曰圃田川曰滎雒浸曰波滏其利麻漆絲桑人二男三女畜宜六擾穀宜五種

風俗

荊河之間四方輻輳故周人善賈趨利而織音韓國分野亦有嶮阻自東漢魏晉宅於洛

陽永嘉以後戰爭不息元魏徙居纔過三紀
建平二魏爰及齊周河洛汝潁迭爲攻守夫
土中風雨所交宜乎建都立社均天下之漕
輸使萬國之享獻不恃隘害務脩德刑則卜
代之期可延久也

雍州

古九州卷之一

九

禹貢曰黑水西河惟雍州弱水既西涇屬渭
汭漆沮既從澧水攸同荆岐既旅終南惇物
至于鳥鼠原隰底績至于豬野三危既宅三
苗丕敘厥土黃壤浮于積石至于龍門西河
會于渭汭舜置十二牧雍其一也以其四山
之地故曰雍州周禮職方正西曰雍州其山

曰嶽數曰弦蒲川曰涇汭浸曰渭洛其利玉
石人三男二女畜宜馬牛穀宜黍稷兼得禹
貢梁州之地矣

風俗

雍州之地厥田上上鄠杜之饒號稱陸海四
塞爲固被山帶河秦氏資之遂平海內漢初

古九州卷之一

十一

高帝納豐敞說而都焉又徙齊諸田楚昭屈
燕趙韓魏之後及豪族名家於關中強本弱
末以制天下自是每因諸帝山陵則遷戶立
縣率以爲常故五方錯雜風俗不一漢朝京
輔稱爲難理其安定彭原之北汧陽天水之
西接近胡戎多尚武節自東漢魏晉毛氏屢